



VII CONVOCATORIA PARA AVALIAR A ACTIVIDADE DOCENTE DO PROFESORADO DA UDC (PROGRAMA DOCENTIA) PARA O CURSO ACADÉMICO 2017/18

Co Programa de Apoio á Avaliación da Actividade Docente (DOCENTIA), a ANECA-ACSUG pretende satisfacer as demandas das universidades e a necesidade do sistema educativo de dispoñer dun modelo e duns procedementos con que garantiren a calidade do profesorado universitario e favoreceren o seu desenvolvemento e recoñecemento. Todo isto de acordo coas directrices previstas na reforma da LOU e en estreita colaboración coas axencias das comunidades autónomas, con que asinou convenios de colaboración específicos para que desenvolvan o programa no ámbito territorial da súa competencia mantendo en todo momento a coherencia ao utilizaren un modelo común.

Na convocatoria do ano 2007, a Universidade da Coruña, xunto con outras 63 universidades españolas, presentou o Programa Docentia, aprobado no Consello de Goberno da UDC nas súas sesións do 18/12/2007 e do 23/07/2008, logo de que a Comisión de Avaliación da ACSUG lle outorgase un **INFORME POSITIVO** que lle permitiu comezar coa fase de implantación do seu deseño de avaliación da actividade docente con vistas á súa certificación pola ACSUG e a ANECA.

Como consecuencia disto, desde o curso académico 2008/09 ao 2016/17 a Universidade da Coruña publicou seis convocatorias do Programa Docentia para a avaliar a actividade docente do seu profesorado. A partir destes procesos introducíronse novos cambios que levaron a aprobar unha nova edición do manual deste programa na sesión do Consello de Goberno da UDC do 26/04/2018.

REQUISITOS DAS PERSOAS SOLICITANTES

Para participar na avaliación quinquenal da actividade docente do profesorado da UDC é necesario ter impartido un mínimo de 300 horas de docencia **no período avaliado**, así como un mínimo de 30 horas de docencia **en cada un dos cursos académicos** obxecto de avaliación, en calquera dos títulos oficiais dos centros propios da UDC ou doutras universidades (neste último caso até un máximo de dous anos).

Código Seguro De Verificación	mNPUIkpNFXn09AwPc210w==		
Asinado Por	Secretario Xeral Carlos Ignacio Aymerich Cano	Estado	Asinado
Observacións			27/04/2018 10:30:22
Url De Verificación	https://sede.udc.gal/services/validation/mNPUIkpNFXn09AwPc210w==		
		Páxina	1/6





De acordo con estes requisitos poderá solicitar a avaliación o seguinte profesorado:

- O que até o momento non fora avaliado neste programa.
- O que ten avaliado o período 2003/04 a 2007/08 e que non solicitara unha nova avaliación nin na V nin na VI convocatoria.
- O que ten avaliado o período de 2004/05 a 2008/09 e que non solicitara unha nova avaliación na VI convocatoria.
- O que foi avaliado nas anteriores convocatorias e non obtivera unha avaliación positiva, sempre que cumpra co establecido no apartado 3 do *Manual para a avaliación da actividade docente do profesorado da UDC*.
- O que ten avaliado o período de 2006/2007 a 2010/2011.

INCOMPATIBILIDADES

En aplicación do que está disposto no artigo 23.2.a) da Lei 40/2015, do 1 de outubro, de réxime xurídico do sector público, o profesorado que sexa avaliador/a ao presentar a súa solicitude para ser avaliado/a entenderase que renuncia á súa condición de avaliador/a.

PERÍODO QUE SE VAI AVALIAR

Nesta convocatoria avaliarase o quinquenio docente correspondente aos cursos académicos 2011/12 a 2015/16.

OBXECTIVOS DA AVALIACIÓN

Os **obxectivos xerais** que se pretenden alcanzar no proceso de avaliación da actividade docente do profesorado da UDC son:

- Recoñecer a importancia da actividade docente do profesorado no conxunto das actividades que este realiza dentro da Universidade da Coruña.
- Situar a avaliación da actividade docente do profesorado no marco das prácticas ao uso internacionalmente recoñecidas, aliñada cos criterios de garantía de calidade dos títulos universitarios.
- Favorecer o desenvolvemento do profesorado e a súa promoción persoal e profesional, de modo que poida ofrecer un mellor servizo á sociedade.
- Apoiar individualmente o profesorado proporcionándolle evidencias contrastadas sobre a súa actividade docente e a súa posible mellora.

Código Seguro De Verificación	mNPuikpNFXn09AwPc210w==		
Asinado Por	Secretario Xeral Carlos Ignacio Aymerich Cano	Estado	Asinado
Observacións			27/04/2018 10:30:22
Url De Verificación	https://sede.udc.gal/services/validation/mNPuikpNFXn09AwPc210w==		
		Páxina	2/6





- Favorecer o proceso de toma de decisións relacionadas coa avaliación, que afectan a diferentes elementos na política de profesorado, como o desenvolvemento de plans de formación.
- Contribuír ao necesario cambio cultural nas universidades respecto á avaliación da actividade docente e potenciar o intercambio de experiencias entre as universidades para a mellora continua da dita actividade.
- Favorecer a cultura da calidade aliñando a actividade docente do profesorado cos obxectivos da institución.
- Cumprir cun dos criterios para a acreditación de títulos e que se recolle no deseño dos sistemas de garantía interna de calidade en cada centro.
- Outros que nun futuro puideren ser de interese para a Universidade.

CONSECUENCIAS DESTA AVALIACIÓN

A UDC, dentro da súa política de profesorado e de mellora dos títulos, declara de xeito explícito que a intención e finalidade con que desenvolve este programa recolle as seguintes consecuencias da avaliación da actividade docente:

- Elaborar un plan formativo para o profesorado que axude a mellorar as súas competencias profesionais. O profesorado que realizar a avaliación terá preferencia para participar no Programa de apoio ao ensino da UDC.
- Utilizar os datos, por parte dos centros para o proceso de seguimento e de renovación da acreditación dos seus títulos e o profesorado, pola súa vez, para os procesos de acreditación, as convocatorias de complementos autonómicos da Consellería de Cultura, Educación e Ordenación Universitaria da Xunta de Galicia e a súa consideración como mérito na concesión de axudas en convocatorias de innovación da UDC.
- Obter o profesorado con certificado de excelencia o recoñecemento do/a reitor/a da UDC.
- Valorar a avaliación positiva do Programa Docencia como mérito específico nos concursos para a provisión de prazas de persoal docente e investigador interino e laboral contratado da UDC, aprobado polo Consello de Goberno do 30/04/2014.
- Incluír os resultados do Programa Docencia como obxectivo no Plan estratéxico 2020 da UDC e incorporar este como indicador de obrigado cumprimento nos plans estratéxicos dos centros da UDC.
- Incrementar a transparencia e información pública da institución mediante a difusión dos resultados da avaliación entre os distintos axentes implicados e especialmente entre o estudantado.

Código Seguro De Verificación	mNPUIkpNFXn09AwPLc210w==		
Asinado Por	Secretario Xeral Carlos Ignacio Aymerich Cano	Estado	Asinado
Observacións		Páxina	3/6
Url De Verificación	https://sede.udc.gal/services/validation/mNPUIkpNFXn09AwPLc210w==		





- g) Deixar patente o compromiso da UDC coa calidade e mellora continua en liña cos criterios marcados pola ENQA e aceptados polas Axencias de calidade.

FORMALIZACIÓN DAS SOLICITUDES

Para participar no Programa Docentia é necesario cubrir a solicitude na aplicación informática dispoñible no enderezo web: <https://www.qdsug.es/docentia/udc> desde o **30/04/2018** até ás **23.59 h** do día **7/05/2018**. Esta aplicación xerará o impreso de solicitude, para participar no proceso, que se debe presentar na sede electrónica da UDC, no Rexistro Xeral da UDC, nos rexistros auxiliares ou por calquera dos procedementos establecidos no artigo 16 da Lei 39/2015, do 1 de outubro, do procedemento administrativo común das administracións públicas, dirixido ao reitor da UDC, desde o día 30/04/2018 até as 14.30 h. do 8/05/2018.

COMISIÓN DE SELECCIÓN

A selección do profesorado admitido a esta convocatoria será realizada pola Comisión Interna de Universidade constituída por:

Presidenta: vicerreitora de Oferta Académica e Innovación Docente

Secretaria: técnica da Unidade Técnica de Calidade (que actuará con voz pero sen voto)

Vogais:

- Vicerreitor de Profesorado e Planificación Docente
- Directora da Unidade Técnica de Calidade
- Coordinadora da Comisión de Formación e Asesoramento
- Técnico responsable da avaliación docente no Servizo de Informática e Comunicacions
- Cinco docentes:
 - o 1 da rama de Artes e Humanidades
 - o 1 da rama de Ciencias da Saúde
 - o 1 da rama de Ciencias
 - o 1 da rama de Ciencias Sociais e Xurídicas
 - o 1 da rama de Enxeñaría e Arquitectura
- Dous estudantes
- Unha representante sindical do PDI

Código Seguro De Verificación	mNPUIkpNFXn09AwPc210w==		
Asinado Por	Secretario Xeral Carlos Ignacio Aymerich Cano	Estado	Asinado
Observacións		Data e hora	27/04/2018 10:30:22
Url De Verificación	https://sede.udc.gal/services/validation/mNPUIkpNFXn09AwPc210w==		
		Páxina	4/6





A relación de persoas que compoñen a dita Comisión pódese atopar na páxina web da Unidade Técnica de Calidade http://www.udc.es/utc/ferramentas_calidade/docentia/

CRITERIOS DE AVALIACIÓN

Os criterios e o procedemento de avaliación serán os que están recollidos no Programa Docentia, aprobado polo Consello de Goberno da UDC na súa sesión do 26/04/2018.

INFORMACIÓN SOBRE O PROGRAMA DOCENTIA

As persoas interesadas poden solicitar información por correo electrónico no enderezo docentia@udc.es ou nas extensións telefónicas 1052 e 1069.

O documento íntegro do Programa Docentia está publicado no enderezo web: http://www.udc.es/utc/ferramentas_calidade/docentia/

A Coruña, 26 de abril de 2018

O reitor

Julio Abalde Alonso

Código Seguro De Verificación	mNPUIkpNFXn09AwPLc210w==			Estado	Data e hora
Asinado Por	Secretario Xeral Carlos Ignacio Aymerich Cano			Asinado	27/04/2018 10:30:22
Observacións				Páxina	5/6
Url De Verificación	https://sede.udc.gal/services/validation/mNPUIkpNFXn09AwPLc210w==				





FASES E PRAZOS EN QUE SE DESENVOLVERÁ A CONVOCATORIA

Do 30 de abril ao 7 de maio de 2018	Presentación de solicitudes a través da aplicación informática e entrega desta na sede electrónica e nos rexistros da UDC. NOTA: a aplicación informática pecha ás 23.59 h. do día 7/05/2018 e a solicitude pódese presentar na sede electrónica ou nos rexistros da UDC até as 14.30 h do día 8/05/2018
11 de maio de 2018	Comunicación, por correo electrónico, ás persoas solicitantes da aceptación ou do rexeitamento motivado da solicitude presentada onde se lle indicará o prazo de reclamacións.
Do 26 de maio ao 13 de xuño de 2018	As persoas admitidas incorporarán as evidencias na aplicación informática. O impreso de solicitude de incorporación de evidencias que xera a aplicación informática ten que se remitir á CIU a través da sede electrónica ou nos rexistros da UDC. As copias dos xustificantes pódense remitir a UTC en formato electrónico, de ser o caso.
29 e 30 de maio de 2018	Xornada formativa dirixida ao profesorado que foi admitido
Ata o 16 de xullo de 2018	A UTC incorpora, na aplicación informática, as evidencias dispoñibles sobre as persoas admitidas.
	Comunicación ás persoas admitidas da aceptación ou rexeitamento das evidencias que incorporaran á aplicación informática.
Do 17 ao 31 de xullo de 2018	As persoas solicitantes revisan as evidencias e presentan reclamación, en caso de desconformidade. O impreso de reclamacións que xera a aplicación informática ten que se remitir á CIU a través da sede electrónica ou nos rexistros da UDC. As copias dos xustificantes pódense remitir a UTC en formato electrónico, de ser o caso.
Do 4 de setembro ao 3 de outubro de 2018	A persoa solicitante cubrirá o autoinforme de avaliación na aplicación informática.
	As autoridades académicas cubrirán os informes de cada persoa admitida na aplicación informática.
Do 16 de outubro ao 30 de novembro de 2018	Os comités de avaliación docente levan a cabo o proceso de avaliación de acordo co Programa Docentia.
Do 18 ao 21 de decembro de 2018	A Comisión Interna da Universidade enviaralle a cada profesor/a a resolución. En caso de desconformidade dispón do prazo dun mes para presentar unha reclamación perante a CIU, que conta a partir da data fixada no correo electrónico en que se lle remite a dita resolución.

DILIXENCIA para facer constar que o presente documento foi aprobado polo Consello de Goberno do 26 de abril de 2018

O secretario xeral

Carlos Aymerich Cano

Código Seguro De Verificación	mNPUIkpNFXn09AwPc210w==	Estado	Data e hora
Asinado Por	Secretario Xeral Carlos Ignacio Aymerich Cano	Asinado	27/04/2018 10:30:22
Observacións		Páxina	6/6
Url De Verificación	https://sede.udc.gal/services/validation/mNPUIkpNFXn09AwPc210w==		

